

საქართველოს კანონი

დაცული ტერიტორიების სტატუსის შესახებ

თავი I

ზოგადი დებულებანი

მუხლი 1. კანონის რეგულირების სფერო

ეს კანონი არეგულირებს „დაცული ტერიტორიების სისტემის შესახებ“ საქართველოს კანონის ამოქმედებამდე საქართველოს სსრ-ისა და საქართველოს რესპუბლიკის სახელმწიფო ხელისუფლების უმაღლესი ორგანოების მიერ შექმნილი დაცული ტერიტორიების სტატუსთან, ფართობთან და საზღვრებთან, მართვისა და ფუნქციონირების თავისებურებებთან დაკავშირებულ სამართლებრივ საკითხებს.

მუხლი 2. კანონში გამოყენებული ტერმინები

ამ კანონში გამოყენებულ ტერმინებს აქვს ისეთივე მნიშვნელობა, როგორც „დაცული ტერიტორიების სისტემის შესახებ“ საქართველოს კანონით გათვალისწინებულ ტერმინებს.

თავი II

„დაცული ტერიტორიების სისტემის შესახებ“ საქართველოს კანონის ამოქმედებამდე შექმნილი დაცული ტერიტორიების სტატუსი, ფართობი და საზღვრები დაცული ტერიტორიების კატეგორიების მიხედვით

მუხლი 3. ალგეთის ეროვნული პარკის სტატუსი, ფართობი და საზღვრები

1. შეიქმნას ალგეთის ეროვნული პარკი 6822 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ალგეთის სახელმწიფო ნაკრძალის ტყის მეურნეობის ორგანიზაციისა და განვითარების“ 1998–2008 წლების პროექტით.

მუხლი 4. აჯამეთის ალკვეთილის სტატუსი, ფართობი და საზღვრები

1. შეიქმნას აჯამეთის ალკვეთილი 5117 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „აჯამეთის სახელმწიფო ნაკრძალის ტყის მეურნეობის ორგანიზაციისა და განვითარების პროექტის განხილვის შესახებ“ 1997–2007 წლების პროექტით და საქართველოს პრეზიდენტის 2000 წლის 12 სექტემბრის N404 ბრძანებულებით დამტკიცებული „ყოფილი საკოლმეურნეო ტყეებისა და საბჭოთა მეურნეობების გამგებლობაში არსებული ტყის ფონდის მიწების სატყეო მეურნეობის სახელმწიფო ორგანოებისათვის გადაცემის წესის და

ვადების შესახებ“ დებულების მე-4 მუხლის პირველი პუნქტის „ბ“ ქვეპუნქტის საფუძველზე მიღებული ბაღდათის რაიონის გამგეობის 2005 წლის 23 აგვისტოს N95 დადგენილებით.

მუხლი 5. კინტრიშის დაცული ტერიტორიების სტატუსი, ფართობი და საზღვრები

1. შეიქმნას კინტრიშის დაცული ტერიტორიები 13893 ჰა ტერიტორიაზე.
2. კინტრიშის დაცული ტერიტორიები მოიცავს:
 - ა) კინტრიშის სახელმწიფო ნაკრძალს;
 - ბ) კინტრიშის დაცულ ლანდშაფტს.
3. კინტრიშის სახელმწიფო ნაკრძალი მოიცავს „კინტრიშის სახელმწიფო ნაკრძალის ტყის მეურნეობის ორგანიზაციისა და განვითარების“ 1994–2004 წლების პროექტით განსაზღვრულ ტერიტორიას, გარდა ამ მუხლის მე-4 პუნქტით განსაზღვრული ფართობისა, და შეადგენს სულ 10703 ჰა-ს.
4. კინტრიშის დაცული ლანდშაფტი, რომლის საერთო ფართობია 3190 ჰა, მოიცავს:
 - ა) მდინარე კინტრიშის კალაპოტის კიდიდან ორივე მხარეს 500 მეტრს (სულ 2490 ჰა-ს);
 - ბ) მდინარე ხეკნარის კალაპოტის კიდიდან ორივე მხარეს 100 მეტრს (სულ 130 ჰა-ს);
 - გ) მდინარე ჭერულის ღელის კალაპოტის კიდიდან ორივე მხარეს 300 მეტრს (სულ 570 ჰა-ს).
5. ამ მუხლის მე-3 და მე-4 პუნქტებით განსაზღვრული დაცული ტერიტორიების კვარტალები და ლიტერები დადგენილია „კინტრიშის სახელმწიფო ნაკრძალის ტყის მეურნეობის ორგანიზაციისა და განვითარების“ 1994–2004 წლების პროექტით.

მუხლი 6. ყაზბეგის ეროვნული პარკის სტატუსი, ფართობი და საზღვრები

1. შეიქმნას ყაზბეგის ეროვნული პარკი 8707 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ყაზბეგის სახელმწიფო ნაკრძალის ტყის მეურნეობის ორგანიზაციისა და განვითარების“ 1997–2007 წლების პროექტით.

მუხლი 7. ლიახვის სახელმწიფო ნაკრძალის სტატუსი, ფართობი და საზღვრები

1. შეიქმნას ლიახვის სახელმწიფო ნაკრძალი 6388 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ლიახვის სახელმწიფო ნაკრძალის ტყის მეურნეობის ორგანიზაციისა და განვითარების“ 1998–2008 წლების პროექტით.

მუხლი 8. ფსხუ-გუმისთის სახელმწიფო ნაკრძალის სტატუსი, ფართობი და საზღვრები

1. შეიქმნას ფსხუ-გუმისთის სახელმწიფო ნაკრძალი 40819 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ფსხუ-გუმისთის სახელმწიფო ნაკრძალის ტყის მეურნეობის ორგანიზაციისა და განვითარების“ 1985–1995 წლების პროექტით.

მუხლი 9. ბიჭვინთა-მიუსერის სახელმწიფო ნაკრძალის სტატუსი, ფართობი და საზღვრები

1. შეიქმნას ბიჭვინთა-მიუსერის სახელმწიფო ნაკრძალი 3645 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ბიჭვინთა-მიუსერას სახელმწიფო ნაკრძალის ტყის მეურნეობის ორგანიზაციისა და განვითარების“ 1984–1994 წლების პროექტით.

მუხლი 10. რიწის სახელმწიფო ნაკრძალის სტატუსი, ფართობი და საზღვრები

1. შეიქმნას რიწის სახელმწიფო ნაკრძალი 16289 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „რიწის სახელმწიფო ნაკრძალის ტყის მეურნეობის ორგანიზაციისა და განვითარების“ 1984–1994 წლების პროექტით.

მუხლი 11. მარიამჯვრის სახელმწიფო ნაკრძალის სტატუსი, ფართობი და საზღვრები

1. შეიქმნას მარიამჯვრის სახელმწიფო ნაკრძალი 1040 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „მარიამჯვრის სახელმწიფო ნაკრძალის ტყის მეურნეობის ორგანიზაციისა და განვითარების“ 1992–2002 წლების პროექტით.

მუხლი 12. ყორულის აღკვეთილის სტატუსი, ფართობი და საზღვრები

1. შეიქმნას ყორულის აღკვეთილი 2068 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ყორულის სახელმწიფო სატყეო-სამონადირეო მეურნეობის ორგანიზაციისა და განვითარების“ 1987–1997 წლების პროექტით.

მუხლი 13. ჭაჭუნის აღკვეთილის სტატუსი, ფართობი და საზღვრები

1. შეიქმნას ჭაჭუნის აღკვეთილი 5200 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „ჭაჭუნის სახელმწიფო სატყეო-სამონადირეო მეურნეობის ორგანიზაციისა და განვითარების“ 1987–1997 წლების პროექტით.

მუხლი 14. ივრის აღკვეთილის სტატუსი, ფართობი და საზღვრები

1. შეიქმნას ივრის აღკვეთილი 1336 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „იორის სახელმწიფო სატყეო-სამონადირეო მეურნეობის ორგანიზაციისა და განვითარების“ 1987–1997 წლების პროექტით.

მუხლი 15. კაცობურის აღკვეთილის სტატუსი, ფართობი და საზღვრები

1. შეიქმნას კაცობურის აღკვეთილი 295 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „კაცობურის სახელმწიფო სატყეო-სამონადირეო მეურნეობის ორგანიზაციისა და განვითარების“ 1990–2000 წლების პროექტით.

მუხლი 16. ქცია-ტაბაწყურის აღკვეთილის სტატუსი, ფართობი და საზღვრები

1. შეიქმნას ქცია-ტაბაწყურის აღკვეთილი 22000 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „დაცული ტერიტორიების სისტემის ჩამოყალიბების ხელშემწყობი ღონისძიებებისა და ბორჯომ-ხარაგაულის ეროვნული პარკის შექმნის შესახებ“ საქართველოს რესპუბლიკის მინისტრთა კაბინეტის 1995 წლის 28 ივლისის N447 დადგენილების მე-6 პუნქტის საფუძველზე დამტკიცებული ბორჯომ-ხარაგაულის ეროვნული პარკის მენეჯმენტის გეგმით განსაზღვრული საზღვრების ფარგლებში მოქცეულ ტერიტორიაზე.

მუხლი 17. თეთრობის აღკვეთილის სტატუსი, ფართობი და საზღვრები

1. შეიქმნას თეთრობის აღკვეთილი 3100 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „დაცული ტერიტორიების სისტემის ჩამოყალიბების ხელშემწყობი ღონისძიებებისა და ბორჯომ-ხარაგაულის ეროვნული პარკის შექმნის შესახებ“ საქართველოს რესპუბლიკის მინისტრთა კაბინეტის 1995 წლის 28 ივლისის N447 დადგენილების მე-6 პუნქტის საფუძველზე დამტკიცებული ბორჯომ-ხარაგაულის ეროვნული პარკის მენეჯმენტის გეგმით განსაზღვრული საზღვრების ფარგლებში მოქცეულ ტერიტორიაზე.

მუხლი 18. გარდაბნის აღკვეთილის სტატუსი, ფართობი და საზღვრები

1. შეიქმნას გარდაბნის აღკვეთილი 3484 ჰა ტერიტორიაზე.
2. ამ მუხლის პირველი პუნქტით განსაზღვრული დაცული ტერიტორიის ფართობი და საზღვრები დადგენილია „გარდაბნის სახელმწიფო სატყეო-სამონადირეო მეურნეობის ტყის ორგანიზაციისა და განვითარების“

1995–2005 წლების პროექტით.

თავი III დაცული ტერიტორიების მართვა

მუხლი 19. დაცული ტერიტორიების სახელმწიფო მართვა

1. დაცული ტერიტორიების სახელმწიფო მართვა ხორციელდება „დაცული ტერიტორიების სისტემის შესახებ“ საქართველოს კანონის შესაბამისად.

2. სხვა სახელმწიფო და ადგილობრივი თვითმმართველობის ორგანოები დაცული ტერიტორიების მართვაში მონაწილეობენ საქართველოს კანონმდებლობით დადგენილი წესით, თავიანთი კომპეტენციის ფარგლებში, საქართველოს გარემოს დაცვისა და ბუნებრივი რესურსების სამინისტროსთან კოორდინირებულად მოქმედების საფუძველზე.

მუხლი 20. დაცული ტერიტორიების ზონირება

ამ კანონით დადგენილი დაცული ტერიტორიების (გარდა სახელმწიფო ნაკრძალისა) ზონირება ხორციელდება მენეჯმენტის გეგმებით, რომლებსაც ამტკიცებს საქართველოს გარემოს დაცვისა და ბუნებრივი რესურსების მინისტრი.

თავი IV დასკვნითი დებულებანი

მუხლი 21. ნორმატიული აქტები და ნორმატიული აქტის ნაწილი,

რომლებიც ძალას კარგავს კანონის ამოქმედებისთანავე

ამ კანონის ამოქმედებისთანავე ძალადაკარგულად იქნეს ცნობილი:

ა) საქართველოს სსრ ცენტრალური აღმასრულებელი კომიტეტისა და სახალხო კომისართა საბჭოს 1935 წლის 4 ნოემბრის N92/1514 დადგენილება „ნაკრძალების, ბუნების ნაკრძალი გეგმების და დაცვითი ნაკვეთების ქსელის დამტკიცების შესახებ“ (საქართველოს სსრ მთავრობის კანონთა და განკარგულებათა კრებული, 1935 წ., N31, მუხ. 200);

ბ) საქართველოს სსრ მინისტრთა საბჭოს 1957 წლის 10 აპრილის N196 დადგენილება „საქართველოს სსრ ზოგიერთი ნაკრძალის აღდგენის შესახებ“ (საქართველოს სსრ მინისტრთა საბჭოს დადგენილებანი, 1957 წ., N4);

გ) საქართველოს სსრ მინისტრთა საბჭოს 1959 წლის 22 იანვრის N45 დადგენილება „საქართველოს სს რესპუბლიკაში ზოგიერთი ნაკრძალის მოწყობის, აღდგენისა და გაფართოების შესახებ“ (საქართველოს სსრ მინისტრთა საბჭოს დადგენილებანი, 1959 წ., N1);

დ) საქართველოს სსრ მინისტრთა საბჭოს 1960 წლის 29 აგვისტოს N603 დადგენილება „საქართველოს სსრ ზოგიერთი ნაკრძალის აღდგენის, გაფართოებისა და შექმნის შესახებ“ (საქართველოს სსრ მინისტრთა საბჭოს დადგენილებანი, 1960 წ., N3);

ე) საქართველოს სსრ მინისტრთა საბჭოს 1965 წლის 13 აპრილის N205 დადგენილება „თეთრიწყაროს სატყეო მეურნეობის ნაძვნარი ტყის კორომების სახელმწიფო ნაკრძალად გამოცხადების შესახებ“ (საქართველოს სსრ მინისტრთა საბჭოს დადგენილებანი, 1965 წ., N4);

ვ) საქართველოს სსრ მინისტრთა საბჭოს 1976 წლის 6 თებერვლის N98 დადგენილება „ყაზბეგის სახელმწიფო ნაკრძალის შექმნის შესახებ“ (საქართველოს სსრ მინისტრთა საბჭოს დადგენილებანი, 1976 წ., N2);

ზ) საქართველოს სსრ მინისტრთა საბჭოს 1976 წლის 19 აგვისტოს N594 დადგენილება „გუმისთის სახელმწიფო ნაკრძალის აღდგენის შესახებ“ (საქართველოს მინისტრთა საბჭოს დადგენილებანი, 1976 წ., N8);

თ) საქართველოს სსრ მინისტრთა საბჭოს 1977 წლის 10 იანვრის N24 დადგენილება „ლიახვის სახელმწიფო ნაკრძალის შექმნის შესახებ“ (საქართველოს სსრ მინისტრთა საბჭოს დადგენილებანი, 1977 წ., N1);

ი) საქართველოს სსრ მინისტრთა საბჭოს 1977 წლის 4 ოქტომბრის N688 დადგენილება „ბორჯომის სახელმწიფო ნაკრძალის ნაძვნარების მასობრივი ხმობით შექმნილი ხანძარსაშიში მდგომარეობის თავიდან აცილების ღონისძიებათა შესახებ“ (საქართველოს სსრ მინისტრთა საბჭოს დადგენილებანი, 1977 წ., N10);

კ) საქართველოს სსრ მინისტრთა საბჭოს 1978 წლის 23 ივნისის N416 დადგენილება „ფსხუს სახელმწიფო ნაკრძალის შექმნის შესახებ“ (საქართველოს სსრ მინისტრთა საბჭოს დადგენილებანი, 1978 წ., N6);

ლ) საქართველოს კპ ცენტრალური კომიტეტისა და საქართველოს სსრ მინისტრთა საბჭოს 1979 წლის 22 მაისის N372 დადგენილება „საგურამოს ეროვნული პარკისათვის სახელის გადარქმევის შესახებ“ (საქართველოს სსრ მინისტრთა საბჭოს დადგენილებანი, 1979 წ., N5);

მ) საქართველოს სსრ მინისტრთა საბჭოს 1980 წლის 16 დეკემბრის N869 დადგენილება „ახმეტის სახელმწიფო ნაკრძალის შექმნის შესახებ“ (საქართველოს სსრ მინისტრთა საბჭოს დადგენილებანი, 1980 წ., N12);

ნ) საქართველოს სსრ მინისტრთა საბჭოს 1992 წლის 12 მაისის N12 დადგენილება „იშვიათი და გადაშენების პირას მყოფ ცხოველთა სახეობების აღდგენის რესპუბლიკური სამეურნეო საწარმოო ცენტრის „ნოეს კიდობანის“ (თრიალეთის რეგიონული პარკი) შექმნის შესახებ“ (საქართველოს რესპუბლიკის სახელმწიფო საბჭოს ნორმატიული აქტების კრებული, 1975 წ., თავი I, მუხ. 32);

ო) საქართველოს რესპუბლიკის მთავრობის 1992 წლის 14 სექტემბრის N923 დადგენილება „რესპუბლიკური სამეცნიერო-საწარმოო ცენტრის – თრიალეთის ქედის რეგიონული პარკის ტერიტორიული საზღვრების დამტკიცების შესახებ“ (საქართველოს მთავრობის დადგენილებანი, 1992 წ., N9);

პ) „დაცული ტერიტორიების სისტემის ჩამოყალიბების სახელმწიფო ღონისძიებებისა და ბორჯომ-ხარაგაულის ეროვნული პარკის შექმნის შესახებ“ საქართველოს რესპუბლიკის მინისტრთა კაბინეტის 1995 წლის 28 ივლისის N447 დადგენილების (საქართველოს რესპუბლიკის მინისტრთა კაბინეტის დადგენილებანი, 1995 წლის ივლისი, N7) მე-4 პუნქტი.

მუხლი 22. კანონის ამოქმედება
ეს კანონი ამოქმედდეს გამოქვეყნებისთანავე.

საქართველოს პრეზიდენტის
მოვალეობის შემსრულებელი

ნინო ბურჯანაძე

თბილისი,
2007 წლის 22 ნოემბერი.
N 5486 – IIს